

SREDNJOROČNI PLAN RADA INSTITUCIJE

Služba za poslove sa strancima BiH
01.01.2020 DO 31.12.2022

Verzija Verzija 1
17.12.2019

Sadržaj

<u>Poglavlje 1: Strateški okvir</u>	2
<u>Poglavlje 2: Vizija i misija institucija</u>	4
<u>Poglavlje 3: Učesnici i partneri</u>	5
<u>Poglavlje 4: Osnovna programska opredjeljenja</u>	6
<u>Poglavlje 5: Resursi i kapaciteti potrebni za postizanje ciljeva</u>	6
<u>Poglavlje 6: Okvir za praćenje provođenja plana i evaluacija rezultata</u>	7
PRILOG 1: Akcioni plan Srednjoročnog plana rada institucije	
PRILOG 2: Pregled zakona, drugih propisa i razvojno-investicionih projekata/programa predviđenih Srednjoročnim planom rada institucije	

Poglavlje 1: Strateški okvir

1.1 Opšti strateški okvir

Služba za poslove sa strancima (u daljem tekstu: Služba) kao upravna organizacija s operativnom samostalnošću u sastavu Ministarstva sigurnosti BiH, je nosilac u rješavanju problematike migracija, ima jedinstveno postupanje i djelovanje u rješavanju problematike migracija na čitavom području BiH i prvenstveno se bavi nadzorom i kontrolom nad kretanjem i boravkom stranaca u BiH, čime se daje značajan doprinos zaštiti sigurnosnog sistema BiH, koji je veoma zahtjevan i složen.

Uvažavajući EU standarde u rješavanju problematike upravljanja migracijama, jedan od prioriteta ciljeva Službe za poslove sa strancima je uspostava ravnoteže između efikasnog upravljanja migracijama u BiH i poštivanja slobode kretanja.

Obavljanjem operativno-inspekcijskih i upravno-pravnih poslova, Služba kontroliše dolazak stranaca iz viznog režima u BiH kroz postupke ovjere pozivnih pisama i davanja saglasnosti za izdavanje vize za dugoročni boravak, rješava o statusu stranaca u BiH kroz odobravanje ili odbijanje boravaka stranaca u zemlji, otkazu boravka, protjerivanju, stavljanju pod nadzor te prisilnom udaljenju stranaca iz zemlje i dr.

Služba vrši preventivno sve neophodne sigurnosne provjere, prije odlučivanja kod postupka ovjere pozivnih pisama, provjere kod izdavanja prethodne saglasnosti za izdavanje vize tipa "D" i prije rješavanja zahtjeva za odobrenje privremenog i stalnog boravka. Vršanjem neophodnih sigurnosnih provjera u postupku ovjere pozivnih pisama, odnosno prije nego što stranac dođe u BiH, štiti se sigurnosni sistem BiH.

U cilju stvaranja doprinosa ukupnom sigurnosnom sistemu BiH, Služba u okviru svojih operativno-inspekcijskih nadležnosti, operativnim radom inspektora za strance svakodnevno prikuplja operativne podatke o svim vidovima neregularnih migracija i neregularnim migranatima, nadzire i kontroliše boravak stranaca kroz njihovu eventualnu zloupotrebu i nezakonitost u korištenju boravka i eventualnom ugrožavanju javnog poretka ili nacionalne sigurnosti zemlje od određenih kategorija stranaca.

Funkcionisanjem Imigracionog centra stvorene su bitne pretpostavke za sigurni sistem protjerivanja i udaljenja stranaca iz zemlje, jer Služba može do konačnog udaljenja smjestiti pod nadzor svakog stranca koji je u neregularnom boravku u BiH, kada je očigledno da

stranac neće dobrovoljno napustiti zemlju ili je prihvaćen po osnovu sporazuma o readmisiji, odnosno prijetnja javnom redu ili nacionalnoj sigurnosti BiH.

Služba realizuje izrečenu mjeru kroz osiguranje potrebnih saglasnosti, putnih dokumenata i drugih tehničkih detalja za izlazak stranca iz zemlje, što je važan preduslov za efikasno upravljanje migracijama.

Strategija razvoja Službe za poslove sa strancima za period 2020-2022. godine ima za cilj unapređenje sigurnosnog sektora u BiH sa aspekta odgovornosti i efikasnosti u rješavanju problematike upravljanja migracijama, a jedan od prioriteta ciljeva Službe za poslove sa strancima je uspostava ravnoteže između efikasnog upravljanja migracijama u BiH i poštivanja slobode kretanja.

Pri tome svakako treba imati u vidu aktuelnost migrantske krize u svijetu, a skretanjem rute kretanja migranata kroz Bosnu i Hercegovinu Služba je suočena sa svim problemima koje nosi migrantska kriza. Nameće se urgentna potreba usklađivanja strateških okvira sa novonastalom situacijom na operativno-taktičkom nivou.

Strategijom se definišu pravci za uspostavljanje, održavanje i razvoj savremene Službe u svim oblastima rada, u okviru svoje nadležnosti, što će omogućiti realizaciju utvrđenog strateškog cilja i prioriteta u periodu 2020 – 2022. godina.

Srednjoročni plan će biti okvir unutar rada Službe, odnosno definisaće prioritete i dugoročne ciljeve i potrebe, kao i viziju ključnih segmenata rada i djelovanja u narednom trogodišnjem periodu.

Na osnovu sveobuhvatne analize utvrđen je Strateški cilj Službe:

- ☐ Ubrzati proces tranzicije i izgradnje kapaciteta

Tendencija upravljačke strukture Službe je da u svim procesima, pa tako i u planiranju, primjenjuje najsavremenije metode. Realizacija planiranih ciljeva podrazumjeva definisanje i izgradnju kontrolnih mehanizama analize provođenja, evaluacije i eventualne revizije Srednjoročnog plana. U tom kontekstu implementacija ovog Srednjoročnog plana podrazumjeva da se usklađuju mjesečni i godišnji operativni planovi rada svih organizacionih jedinica sa utvrđenom dinamikom. U analizama koje su sastavni dio periodičnih i godišnjih izvještaja jasno će se moći prepoznati stepen implementacije postavljenog strateškog i specifičnog cilja kroz programe rada i projekte. U slučaju eventualnih korektivnih intervencija, naročito u drastičnim odstupanjima, moći će se vršiti i revizija ovog Srednjoročnog plana.

Analiza implementacije navedenih ciljeva, programa i projekata vršit će se kontinuirano u

okviru svake organizacione jedinice unutar Službe. Periodične i godišnje analize biće predmet ocjene Stručnog kolegija, kolegija Ministarstva sigurnosti BiH i predstavljace osnov za utvrđivanje efikasnosti Službe i sposobnosti njenih upravljačkih struktura.

Služba je suočena sa izazovima koje nosi migrantska kriza, među kojim se posebno ističu nedovoljni smještajni kapaciteti, kao i potreba za dodatnim ljudstvom i materijalno tehničkim sredstvima bitnim za upravljanje migrantskim talasom. Ova činjenica može uticati na kontinuitet realizacije postavljenih strateških okvira i ciljeva Službe.

1.2. Mandat institucije

Služba za poslove sa strancima osnovana je Zakonom o Službi za poslove sa strancima („Službeni glasnik BiH", broj 54/05 i 36/08), kao upravna organizacija u sastavu Ministarstva sigurnosti s operativnom samostalnošću za vođenje poslova i rješavanje pitanja iz nadležnosti, osnovana radi obavljanja administrativno-upravnih i inspekcijskih poslova propisanih Zakonom o strancima („Službeni glasnik BiH" broj 88/15).

Nadležnosti Službe se odnose na:

- inspekcijski nadzor i kontrola kretanja i boravka stranaca,
- vođenje upravnih postupaka u cilju rješavanja zahtjeva za odobrenje boravka strancima,
- izricanje mjera po službenoj dužnosti neregularnim migrantima
- stavljanje stranaca koji ilegalno borave u BiH pod nadzor (smještaj u Imigracioni centar),
- udaljenje stranih državljana kojima je donijeto pravosnažno rješenje o udaljenju.

Poglavlje 2: Vizija i misija institucija

2.1. Vizija:

Vizija Službe za poslove sa strancima kao organa uprave je da efikasno i ekonomično djeluje sa ciljem uspostavljanja efikasnog sistema kontrole migracijskih tokova na teritoriju BiH uz poštivanje slobode kretanja.

2.2. Misija:

Misija Službe za poslove sa strancima u skladu sa svojim zakonskim nadležnostima predstavlja provođenje efektivne i efikasne kontrole kretanja i boravka stranih državljana, prihvata, nadzora/smještaja i udaljenja neregularnih stranih državljana, čime se daje doprinos zaštiti sigurnosnog sistema BiH u kome će se građani osjećati sigurno.

Poglavlje 3: Učesnici i partneri

Poslovi iz domena kontrole kretanja i boravka stranaca se realizuju u skladu sa nadležnostima propisanim Zakonom o Službi za poslove sa strancima ("Službeni glasnik BiH" br. 54/05 i 36/08), Zakonom o strancima ("Službeni glasnik BiH" br. 88/15), Zakonom o azilu (Službeni glasnik BiH, broj: 11/16), Pravilnikom o ulasku i boravku stranaca ("Službeni glasnik BiH" broj: 81/08) i drugim zakonskim i podzakonskim propisima. Zadatke i poslove iz svoje nadležnosti su obavljali Sektor za operativnu podršku, Sektor za readmisiju, prihvrat i smještaj, Sektor za administraciju i Terenski centri Službe: Sarajevo, Banja Luka, Mostar, Livno, Trebinje, Istočno Sarajevo, Tuzla, Zenica, Goražde, Orašje, Doboј, Brčko, Travnik, Bihać, Bijeljina i Ljubuški. Svi poslovi su realizovani uz stručno usmjeravanje i koordinaciju od strane menadžmenta Službe.

Služba ostvaruje stalnu komunikaciju i saradnju sa policijskim i drugim organima/tijelima Ministarstva sigurnosti BiH, a posebno sa Obavještajno sigurnosno agencijom BiH, Direkcijom za koordinaciju policijskih tijela BiH, Graničnom policijom BiH, Državnom agencijom za istrage i zaštitu (SIPA), i drugim agencijama za podršku policijskoj strukturi. U skladu sa zakonom Služba redovno izvještava Ministarstvo sigurnosti BiH, Vijeće ministara BiH i Parlamentarnu skupštinu BiH o svom radu na njihov zahtjev ili samoinicijativno. Redovnu komunikaciju i saradnju Služba ostvaruje sa drugim institucijama i organima u BiH poput Agencije za javne nabavke, Agencije za zaštitu ličnih podataka, Agencije za identifikacione dokumente, evidenciju i razmjenu podataka BiH, Uredom za reviziju institucija BiH, Agencijom za prevenciju korupcije i koordinaciju borbe protiv korupcije i sl.

Služba kontinuirano sarađuje sa relevantnim organizacijama međunarodne zajednice na projektima Službe ili na projektima u koje će biti uključena, a posebno u programima, seminarima i radionicama namijenjenim stručnom usavršavanju i obrazovanju službenika i zaposlenika Službe. Ova saradnja posebno dolazi do izražaja s novonastalom migrantskom krizom, gdje međunarodne organizacije trenutno igraju važnu ulogu u upravljanju migracionim talasom.

Istovremeno radi na jačanju saradnje i pružanju podrške sa kantonalnim, entitetskim, državnim i međunarodnim partnerima. Saradnja sa srodnim institucijama drugih država ostvaruje se posredstvom Ministarstva sigurnosti BiH i Direkcije za koordinaciju policijskih tijela BiH.

Služba u značajnoj mjeri učestvuje u procesima koji su vezani za dalju integraciju BiH u Evropsku zajednicu. To se prvenstveno ogledalo kroz dalju izgradnju pravnih i institucionalnih kapaciteta za kvalitetno i efikasno upravljanje migracijama i to prvenstveno uvažavajući stečena iskustva i pravnu regulativu Evropske unije.

U tom smislu nastavljena je dalja saradnja sa domaćim institucijama, ali i sa partnerskim i drugim službama izvan zemlje sa kojima zajedno možemo poboljšati stanje u ovoj oblasti i ubrzati integracijske procese Bosne i Hercegovine.

Bosna i Hercegovina je potpisala Sporazum o stabilizaciji i pridruživanju sa Evropskom unijom. Potpisivanjem ovog Sporazuma stvoren je konkretni ugovorni odnos sa EU koji podrazumijeva donošenje i implementaciju zakonske i podzakonske regulative koja je u saglasnosti sa pravnim okvirom EU, te jačanje institucionalnih i organizacionih kapaciteta koji su takođe u saglasnosti sa evropskim standardima.

Poglavlje 4: Osnovna programska opredjeljenja

4.1. Srednjoročni cilj

Unapređenje sigurnosnog sektora u BiH sa aspekta odgovornosti i efikasnosti, predstavlja konsolidovani cilj sigurnosnih institucija na državnom nivou BiH.

Specifični cilj 1: Efikasan mehanizam upravljanja migracijama u BiH uz poštivanje slobode kretanja

Program 1.1: Kontrola kretanja i boravka stranaca, prihvata, smještaja i udaljenje stranca

Projekat 1.1.1: Zakonite migracije

Projekat 1.1.2: Prevencija i borba protiv nezakonitih migracija

Projekat 1.1.3: Prihvata, smještaja i udaljenje stranaca

Poglavlje 5: Resursi i kapaciteti potrebni za postizanje ciljeva

5.1. Izvor finansiranja

Zakonom o budžetu institucija BiH i međunarodnih obaveza BiH i Zakonom o Službi za poslove sa strancima Bosne i Hercegovine definisano je da se Služba finansira iz budžeta institucija BiH.

Da bi implementirali i realizovali postavljeni srednjoročni i specifični cilj koji su definisani Srednjoročnim planom rada Službe za period 2020-2022. godina kroz programe i projekte Dokumentom okvirnog budžeta institucija BiH za period 2020-2022. godine Služba je tražila 29.615.000 KM.

U drugoj polovini 2015. godine Uprava Službe i Terenski centar Sarajevo useljena je u novoizgrađeni poslovni objekat u vlasništvu Službe u ul. Braće Mulića broj 38, opština Novi Grad, Sarajevo.

Imigracioni centar Službe kapaciteta 120 mjesta nalazi se u Istočnom Sarajevu i isti je u vlasništvu Službe. Vrlo je bitno naglasiti da je Centar izgrađen i stavljen u funkciju u skladu sa evropskim standardima u ovoj oblasti, te da se prihvata i boravak stranaca u Imigracionom centru odvija u skladu sa propisanim pravilima o funkcionisanju Centra, uz puno poštivanje dostojanstva i zaštitu ljudskih prava njegovih korisnika.

Služba je nedvojbeno suočena sa izazovima koje nosi migrantska kriza, među kojim se posebno ističu nedovoljni smještajni kapaciteti, kao i potreba za dodatnim ljudstvom i materijalno tehničkim sredstvima bitnim za upravljanje migrantskim talasom.

5.2. Ljudski resursi

Služba za poslove sa strancima trenutno ima 235 zaposlenih državnih službenika i zaposlenika, koji su organizacijski raspoređeni u Upravu Službe sa tri Sektora (Sektor za operativnu podršku, Sektor za smještaj prihvata i readmisiju, Sektor za administraciju), 16 Terenskih centara i jedan Imigracioni centar. Terenski centri Službe za poslove sa strancima lokacijski pokrivaju cijelo područje Bosne i Hercegovine a smješteni su u iznajmljenim prostorijama, na slijedećim lokacijama: Sarajevo, Trebinje, Zenica, Bijeljina, Brčko, Istočno Sarajevo, Doboj, Travnik, Goražde, Bihać, Orašje, Livno i Ljubuški. Terenski centar Banja Luka smješten je u poslovni prostor u vlasništvu Službe a Terenski centri Tuzla i Mostar smješteni su u poslovne prostore koji su nam dodijeljeni Odlukama Vijeća ministara o smještaju institucija BiH u Tuzli i Mostaru.

Radi izvršenja Srednjoročnog plana potrebno je jačanje i razvoj kako ljudskih, tako i tehničkih kapaciteta Službe, a za koje je neophodno osigurati finansijska sredstva.

Provođenje aktivnosti sa akcentom na međusobnoj saradnji agencija, predviđenih operativnim planovima kojima se kontrolira i utvrđuje boravišni status svih stranaca, te migranata i stranaca izvršilaca krivičnih djela i kršenja javnog reda i mira, je jedan od osnovnih zadataka Službe. Analize rizika u prethodnim godinama su ukazivale na uspješno funkcionisanje ove institucije, ali i uputile na oblasti koje bi se mogle unaprijediti. Pojava migrantskog talasa, dodatno usložnjena limitiranim ljudskim i drugim kapacitetima je predstavljala izazov, kako za migracionu politiku državu tako i za funkcionisanje ove institucije. Ova činjenica će imati refleksiju na sprovedbu strateških ciljeva i u narednom periodu.

Poglavlje 6: Okvir za praćenje provođenja plana i evaluacija rezultata

Da bi pratili realizaciju gore navedenih ciljeva, programa i projekata, Služba je definisala sljedeće ključne pokazatelje uspjeha/rezultata:

6.1 Pokazatelji uspjeha za srednjoročni cilj

Srednjoročni cilj: Unapređenje sigurnosnog sektora u BiH sa aspekta odgovornosti i efikasnosti

POKAZATELJ USPJEHA:

1. Ukupan broj preventivnih aktivnosti preduzetih od strane inspektora za strance sa ciljem smanjenja broja neregularnih migracija

17.300 u 2019 godini / početna vrijednost

18.200 u 2022 godini / očekivana vrijednost

2. Broj izvršenih operativnih akcija realiziranih na osnovu sačinjenih Operativnih planova

4/4 u 2019 godini / početna vrijednost

4/4 u 2022 godini / očekivana vrijednost

6.1.2 Pokazatelji uspjeha za specifični cilj

Specifični cilj: Efikasan mehanizam upravljanja migracijama u BiH uz poštivanje slobode kretanja

POKAZATELJ USPJEHA

12,00 u 2019 godini / početna vrijednost

12,00 u 2022 godini / očekivana vrijednost

6.1.3 Pokazatelji rezultata za programe

POKAZATELJ USPJEHA

Program 1: Kontrola kretanja i boravka stranaca prihvrat, smještaj i udaljenje stranaca

1. % rješених захтева u zakonskom roku u odnosu na ukupan broj pokrenutih upravnih postupaka

84% u 2019 godini / početna vrijednost

86,5% u 2022 godini / očekivana vrijednost

2. % stranih državljana koji su udaljeni u odnosu na ukupan broj donijetih rješenja kojima se nalaže napuštanje teritorije BiH

53% u 2019 godini / početna vrijednost

56% u 2022 godini / očekivana vrijednost

6.2 Metodi za prikupljanje informacija o pokazateljima

Za planiranje i implementaciju programa i projekata kod Srednjoročnog plana veoma je značajno prikupljanje informacija o pokazateljima. To jest proces rutinskog prikupljanja informacija o svim aspektima projekta. Prikupljanje informacija će se provoditi kontinuirano za period za koji je Srednjoročni plan Službe izrađen. Vršit će se kontrola postignutog u odnosu na planirane rezultate.

Ključne karakteristike procesa praćenja stanja su sljedeće:

- Uspostavljanje jasne organizacije i procedura od samog početka implementacije plana,
- Praćenje će obezbjediti informacije o izvršenim aktivnostima u skladu sa godišnjim planom rada, a isti proizilazi iz srednjoročnog plana rada,
- Priprema izvještaja prema utvrđenim rokovima izvještavanja.

Da bi postavili efikasan sistem prikupljanja informacija o pokazateljima i praćenje istih, neophodno je uspostaviti metodologiju prikupljanja informacija kroz organizaciju sljedećih procesa:

- Redovno praćenje i ažuriranje objavljenih zakonskih i podzakonskih akata,
- Osiguranje ljudskih kapaciteta,
- Uspostavljanje sistema razmjene podataka o sprovođenju planiranih aktivnosti srednjoročnog plana iz svih sektora unutar Službe,
- Prikupljanje podataka,
- Analiza istih,
- Identifikovanje (isticanje) problema sa kojima se suočava Služba kroz definisane programe i projekte,
- Iznaženje rješenja,
- Pouke iz iskustva primjenjivati sa jednog projekta na drugi.

6.3 Osnovni zaključci prethodnog Izvještaja o provođenju plana rada


Bosna i Hercegovina ima površinu od 51.209 kvadratnih kilometara i geografski je smještena u zapadnom dijelu jugoistočne Evrope, na raskrsnici puteva između istoka i zapada i graniči sa tri susjedne države: Republikom Hrvatskom, Republikom Srbijom i Crnom Gorom. Od 01.07.2013. godine od kada je Hrvatska pristupila u članstvo EU, čime BiH dijeli granicu sa Evropskom unijom u dužini od 1001 kilometar, institucije BiH imaju mnogo značajniju, zahtjevniju i odgovorniju ulogu sa aspekta uspostavljanja još efikasnije kontrole kretanja i boravka stranaca a posebno operativnog rada na sprječavanju neregularnih migracija prema EU, kako bi se na efikasan način moglo odgovoriti izazovu novih regionalnih tokova.

Usljed ovakvih okolnosti i procjena o budućim trendovima i rutama kretanja neregularnih migracija, nameće se prioritarna potreba za podizanjem kompetencija i nadležnosti Službe, kako bi se na efikasniji način suprostavljala budućim trendovima i izazovima neregularnih migracija, a što bi sigurno rezultovalo i efikasnijim doprinosom sigurnosnom sistemu BiH.

Imajući u vidu gore navedeno kao i davanje punog doprinosa efikasnijem sigurnosnom sistemu BiH i putu BiH prema EU integracijama, prioritet Službe za poslove sa strancima u

narednom periodu je nadogradnja saradnje i pravovremene razmjene operativnih informacija sa agencijama za provedbu zakona u BiH i sličnim agencijama koje se bave ovom problematikom u zemljama okruženja, u borbi protiv neregularnih migracija, terorizma i svih vidova organizovanog kriminala.

Tokom 2019. godine je došlo do porasta trendova kada govorimo o modalitetima izvršenja djela u slučajevima ulaza u BiH iz pravca Crne Gore i Srbije, odnosno izlaza iz BiH prema Hrvatskoj neregionalnih migranata i migracija. Zaključujemo da je za očekivati porast trenda pokušaja ilegalnog prelaska zelene granice i u narednom periodu, što će rezultirati pokušajima zloupotrebe prava na slobodu boravka i kretanja stranaca po dubini teritorije, a posebno onih koji proizilaze iz nadležnosti rada Službe.



Am

Potpis

PRILOG 1: Akcioni plan srednjoročnog plana rada institucije Služba za poslove sa strancima BiH

AKCIONI PLAN SREDNJOROČNOG PLANA RADA INSTITUCIJE Služba za poslove sa strancima BiH

Opći cilj / principi razvoja:

5. Upravljanje u funkciji rasta

Strateški cilj:

5.14. Ubrzati proces tranzicije i izgradnje kapaciteta

1	2	3	4	5	6	7	8	9	10	11	12	13	14	15	16	17	18	19	20	21
					Okvir za mjerenje ostvarenja						Procjena troškova				Izvori finansiranja					
Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj	Jedinica mjerenja (% , broj ili opisno)	Polazna vrijednost godina 2019	Ciljana vrijednost godina 2020	Ciljana vrijednost godina 2021	Ciljana vrijednost godina 2022	Procijenjeni troškovi godina 2020	Procijenjeni troškovi godina 2021	Procijenjeni troškovi godina 2022	Ukupno troškovi	Budžet	Krediti	Donacije	Ostali izvori	Ukupno	Program u DOB-u
5.14.1. Unaprjeđenje sigurnosnog sektora sa aspekta odgovornosti i efikasnosti											9.556.000	9.914.000	10.145.000	29.615.000	29.615.000	0	0	0	29.615.000	
					Ukupan broj preventivnih aktivnosti poduzetih od strane inspektora za strance sa ciljem smanjenja broja neregularnih migracija	Broj	17300	17500	17900	18200										
					Broj izvršenih operativnih akcija realiziranih na osnovu sačinjenih Operativnih planova	Broj	4/4	4/4	4/4	4/4										
	5.14.1.1. Efikasan mehanizam upravljanja migracijama u BiH uz poštivanje slobode kretanja										9.556.000	9.914.000	10.145.000	29.615.000	29.615.000	0	0	0	29.615.000	
					Prosječan trošak po izlaznim rezultatima	Broj (u KM)	12,00	12,00	12,00	12,00										
	1. Kontrola kretanja i boravka stranaca prihvata, smještaj i udaljenje stranaca										9.556.000	9.914.000	10.145.000	29.615.000	29.615.000	0	0	0	29.615.000	

AKCIONI PLAN SREDNJOROČNOG PLANA RADA INSTITUCIJE Služba za poslove sa strancima BiH

Opći cilj / principi razvoja:

5. Upravljanje u funkciji rasta

Strateški cilj: 5.14. Ubrzati proces tranzicije i izgradnje kapaciteta

1	2	3	4	5	6	7	8	9	10	11	12	13	14	15	16	17	18	19	20	21				
					Okvir za mjerenje ostvarenja						Procjena troškova					Izvori finansiranja								
Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj	Jednica mjerenja (% broj ili opisno)	Polazna vrijednost godina 2019	Ciljana vrijednost godina 2020	Ciljana vrijednost godina 2021	Ciljana vrijednost godina 2022	Procijenjeni troškovi godina 2020	Procijenjeni troškovi godina 2021	Procijenjeni troškovi godina 2022	Ukupno troškovi	Budžet	Krediti	Donacije	Ostali izvori	Ukupno	Program u DOB-u				
					% pređenih zahtjeva u zakonskom roku u odnosu na ukupan broj pokrenutih upravnih postupaka	%	84	85	86	86,5														
					% stranah državljana koji su učestvovali u odnosu na ukupan broj donijetih rješenja kojima se nalaze napuštanje teritorije BiH	%	53	54	55	56														
					IBIH-SZPS-14 - Zakonice migracije						3.633.096	3.769.204	3.857.028	11.259.328	11.259.328	0	0	0	11.259.328					
					Uspostavljanje efikasnog sistema evidencije prijava-odjava-promjena boravišta i prebivališta stranh državljana	Broj (godišnja vrijednost)	660000	700000	720000	730000														
					IBIH-SZPS-15 - Prevencija i borba protiv nezakonitih migracija						2.740.756	2.843.434	2.909.687	8.493.877	8.493.877	0	0	0	8.493.877					

AKCIONI PLAN SREDNJOROČNOG PLANA RADA INSTITUCIJE Služba za poslove sa strancima BiH

Opći cilj / principi razvoja:

5. Upravljanje u funkciji rasta

Strateški cilj:

5.14. Ubrzati proces tranzicije i izgradnje kapaciteta

1	2	3	4	5	6	7	8	9	10	11	12	13	14	15	16	17	18	19	20	21
					Okvir za mjerenje ostvarenja						Procjena troškova				Izvori finansiranja					
Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj	Jedinica mjerenja (% broj ili opisno)	Polazna vrijednost godina 2019	Ciljana vrijednost godina 2020	Ciljana vrijednost godina 2021	Ciljana vrijednost godina 2022	Procijenjeni troškovi godina 2020	Procijenjeni troškovi godina 2021	Procijenjeni troškovi godina 2022	Ukupno troškovi	Budžet	Krediti	Donacije	Ostali izvori	Ukupno	Program u DOB-u
					"Realizacije unapređenja komunikacijskog i informatizacijskog sistema (ROS, ISM, modul biometrije, elektronska prijava/odjava stranih državljana itd) nabavom nove i održavanjem postojeće opreme ("	Opisno	Nabavljena i instalirana oprema	Nabavljena i instalirana oprema	Nabavljena i instalirana oprema	Nabavljena i instalirana oprema										
			IBIH-SZPS-16 - Prihvat, smještaj i udaljenje stranaca								3.182.148	3.301.362	3.378.285	9.861.795	9.861.795	0	0	0	9.861.795	
					Prosječan trošak po korisniku/boravak po nadzoru	Broj (u KM)	1010	1010	1010	1010										

PRILOG 2: Pregled zakona, drugih propisa i razvojno-investicionih projekata/programa predviđenih Srednjoročnim planom rada institucije Služba za poslove sa strancima BiH

PREGLED ZAKONA, DRUGIH PROPISA I RAZVOJNO-INVESTICIONI PROJEKATA/PROGRAMA PREDVIĐENIH SREDNJOROČNIM PLANOM RADA INSTITUCIJE Služba za poslove sa strancima BiH								
Opći cilj / principi razvoja:		5. Upravljanje u funkciji rasta						
Strateški cilj:		5.14. Ubrzati proces tranzicije i izgradnje kapaciteta						
Srednjoročni cilj	Specifični cilj	Programi	ZAKONI	PODZAKONSKI AKTI	Usklađivanje s pravnim naslijeđem EU-a (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE
5.14.1. Unaprijeđenje sigurnosnog sektora sa aspekta odgovornosti i efikasnosti								
	5.14.1.1. Efikasan mehanizam upravljanja migracijama u BiH uz poštivanje slobode kretanja							
		1. Kontrola kretanja i boravka stranaca prihvrat, smještaj i udaljenje stranaca						





Potpis